

Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkuniuusoqarnerat kiisalu karseqarnerat naatsorsuuseriveqarnerallu pillugit Namminersorlutik Oqartussat nalunaarutaat

Kommunit aqunneqarnerat pillugu Inatsisartut inatsisaat nr. 22, 18. november 2010-meersumi § 41, imm. 5, § 42, imm. 3, § 47, imm. 3, aamma § 50, imm. 2 malillugit aalajangersarneqarpoq:

Missingersuusiortarnek

§ 1. Kommunit missingersuutaat ukiunut arlalinnut missingersuutitalit isertitanit akileraarutit pillugit Inatsisartut inatsisaanni kommuninut procentimik annertussusiliinissap aalajangiivigineqarnissaanut killiliussaq naatinnagu akuersissutigineqartassapput.

Imm. 2. Aningaasaqarnermut ataatsimiititaliami missingersuutitut siunnersuummi ikinnerussuteqartut oqaaseqaataanni § 2, imm. 1 aamma 4-mi piumasaqaatit naammassineqarsimassapput.

§ 2. Aningaasaqarnermut ataatsimiititaliap missingersuutitut siunnersuutaa kommunip isertitassaanut aningaasartuutissaanullu tamanut taamatuttaaq kommunip aningaasanik tigoriaannaataani aningaasaataasalu inissisimaffini nikerarnernut tunngasuussaaq.

Imm. 2. Aningaasaqarnermut ataatsimiititaliap missingersuutitut siunnersuutaa missingersuusiortaatmik missingersuutinu immikkoortiterinerup annertussusianik toqqaanermut nassuiaammik ilaqartinneqassaaq.

Imm. 3. Missingersuutitut siunnersuut taamatuttaaq aningaasaliissutitut siunnersuutitut ataasiakkaanut nassuiaalluni oqaaseqaatinik ilaqartinneqassaaq taamaalilluni tunngaviusumik aningaasaliinerni taaneqassalluni, qanoq ittunik piumasaqaateqarluni aningaasaliissutit atugassanngortinneqassanersut, aningaasaliissutinilu allani, isertitassatut aningaasartuutissatut aningaasaliissutini killiffimmi aningaasaliissutini, suliaasat aningaasaliivigineqartussat sukumiisumik allaaserineqassallutik.

Imm. 4. Missingersuutitut siunnersuut aningaasaliissutissanut siunnersuutitut tamanut minnerpaamik ukiunut pingasunut missingersuusiaagallartunik ilaqartinneqartassaaq, suliaasaqarfimmi pineqartumi kommunip allanngoriartortoqarnissaanik ilimagisai tassani taaneqarlutik. Missingersuutitut oqaasertaliussani ukiuni missingersuusiortofugallartuni allanngoriartornissaq allaaserineqassaaq.

§ 3. Kommunit aningaasat atoriaannaat nikerarnerinik missingersuusiortarneri pissapput aningaasanut tigoriaannarnut missingersuusiortatut isikkulerlugit, missingersuusiortanut tamarmiusunut ilanngullugit akuersissutigineqartartussatut.

Imm. 2. Aningaasanik tigoriaannaateqarnermut missingersuutini kommunip missingersuutini

anigaasaliissutini tamanik ingerlaavartumik atuinera allassimassaaq, taamatuttaaq killiffimmi anigaasaliissutit anigaasallu nikerarneri.

Imm. 3. Anigaasanik tigoriaannaateqarnermut missingersuutit nassuiaatinik allakkianik oqaaseqaatinilluunniit ilaqartinneqassapput. Missingersuutit aalajangersarnerini ukiumut aggersumut ukiumut missingersuusiorfusumi anigaasat tigoriaannaat pillugit kommunalbestyrelsi sukumiinerusumik aalajangersaassaaq

Imm. 4. Kommunit sukkulluunniit anigaasanik tigoriaannaateqassapput ingerlaavartumik pisussaaffit akilerneqartarnissaannut naammattumik. Missingersuutit aalajangersarnerini ukiumut aggersumut ukiumut missingersuusiorfusumi anigaasat tigoriaannaat pillugit kommunalbestyrelsi sukumiinerusumik aalajangersaassaaq.

§ 4. Kommunip killiffimmi naatsorsuutiniittunik missingersuusiani anigaasat tigoriaannaat uninngasuutit, pisassat akiitsullu sivikitsumik piffissalikkat, pisassat akiitsullu sivisuumik piffissalikkat kiisalu pigisat nalillit tunineqarsinnaanngitsut akiitsullu kommunimi allanngoriartornerat taaneqassapput.

§ 5. Ilassutitut anigaasaliissutitut siunnersuummi allassimassapput ilassutitut anigaasaliissutit anigaasalorsornissaannut siunnersuut aamma ilassutitut anigaasaliissutit anigaasatigut kingunerisassaat. § 2, imm. 3 aamma imm. 4, taamatuttaaq ilassutitut anigaasaliissutini atorineqassapput.

Imm. 2. Aqutsinermut inatsimmi § 44, imm. 2 inatsisitigut tunngavigalugu missingersuutini nikisiterinerit anigaasaqarnermut ataatsimiititaliamit suliarineqartut kommunalbestyrelsimut ilisimatitsissutigalugit saqqummiunneqassapput.

Imm. 3. Ilassutitut anigaasaliissutissanut siunnersuutit kommunalbestyrelsimut saqqummiunneqarnerminni anigaasaqarnermut ataatsimiititaliamit inassuteqaammik ilaqartinneqartassapput, ilassutitut anigaasaliissutit ataatsimiititaliap ataavartup suliaasaqarfianut tunngasuuppata taamatuttaaq ataatsimiititaliamit pineqartumiit.

Anigaasaqarnermik aqutsineq

§ 6. Kommunilbestyrelsi kommunip anigaasaqarnermut aqutsineranut aalajangersakkanik aalajangersaassaaq.

Imm. 2. Missingersuutit akuersissutigineqarnerannut atatillugu kommunalbestyrelsip ukiumi tulluittumi anigaasaliissutini nakkutilliinissamut piffissaliussat aalajangersassavai. Anigaasaliissutini nakkutigineqartunut ilaassapput ingerlatsineq, sanaartukkat aamma anigaasaatini nikerarnerit anigaasanillu tigoriaannaatinut missingersuutit. Anigaasaliissutini nakkutillineq ingerlaavartumik suliarineqartassaaq ikinnerpaamillu ukiumut pingasoriarluni kommunalbestyrelsimut saqqummiunneqartassalluni.

Imm. 3. Anigaasaliissutini nakkutilliinermi saqqummiunneqartut borgmesterip Nunamut Namminermut, Pinngortitamut Avatangiisimullu Naalakkersuisoqarfimmut nassiuttassavai.

Naatsorsuutit

§ 7. Kommunip naatsorsuutai ukiup naatsorsuuteqarfusup kingornatigut ukiumi apriliip qaammataa naatinngu anigaasaqarnermut ataatsimiititaliamit saqqummiunneqartassapput.

Imm. 2. Kommunilbestyrelsip naatsorsuutini suliaqarnera, takuuk aqutsinermut inatsimmi § 47, imm. 2, kingusinnerpaamik pissaaq naatsorsuutit anigaasaqarnermut ataatsimiititaliamit saqqummiunneqarnerisa kingornatigut kommunalbestyrelsip pisarnertut ataatsimiinnerani siullermi.

Imm. 3. Kommuniip naatsorsuutaanut ilaassapput ukiup naatsorsuuteqarfiusup kingornatigut februaarip qaammataata naanissaa tikillugu ukioq naatsorsuuteqarfiusoq pillugu atukkat isertitallu tamarmik.

Imm. 4. Ukiuni arlalinni sanaartugassanut tunngatillugu naatsorsuutinit oqaaseqaatini missingersuutinit atukkat nassuiarneqassapput, taamatuttaaq utertillugit akilikkanik tiguneqarsimasinnaasut sanaartukkap inaarsarneqarnissaanut piffissalersuinermit tunngatillugu. Kommuniip sanaartukkamut ataatsimut aningaasartuutissaanut killiliussanut tunngatillugu atussamaakkanik ilimagisat imatut annertussusilerneqassapput oqaaseqaatit missingersuutinit tunngatillugu iluarsineqartariaqartunut tunngavigineqarsinnaanngorlugit.

Imm. 5. Aningaasat atorneqanngitsut naatsorsuutini aningaasartuutitut allanneqarsinnaanngillat, aningaasat ukiumi naatsorsuuteqarfiusussami aningaasaliissutigineqaqqikkaluarpataluunniit.

Imm. 6. Naatsorsuutinit oqaaseqaatinit ilaassapputtaaq kommunip killiffimmik kontuini nikerarnerit immikkut pingaaruteqartut.

§ 8. Naatsorsuutit kommunalbestyrelsip oqaaseqaataanik ilallit, takuuk aqutsinermit inatsimmi § 47, imm. 2, kommunalbestyrelsip suliarinninnera kingusinnerpaamik qaammammik ataatsimik kingoqqullugu Naalakkersuisunut nassiunneqassapput.

Kukkunersiuineq

§ 9. Kukkunersiuusut ukiumoortumik naatsorsuutit kukkunersiorneqarnerat pillugu ukiumoortumik nalunaarusiamik tunniussaqaartassapput. Kukkunersiuusut taamatuttaaq ukiup ingerlanerani ilaannakortumik nalunaarusiamik tunniussaqaartassapput tamanna piumasarineqarsimappat kukkunersiuusulluunniit tamanna pisariaqartissimassappassuk.

Imm. 2. Ilaannakuusumik nalunaarusiami kukkunersiuisimaneq nassuiarneqassaaq, taamatuttaaq pissutsit kukkunersiuusut saqqummiutissallugit pissutissaqaartissimasaat. Kukkunersiuusut oqaaseqaateqassapput isumaqarunik naatsorsuutini pineqartut kommunalbestyrelsip aalajangiinerinit naapertuutinningsut imaluunniit iliuuseqartoqarsimasoq malittarisassanut atuuttunut akerliusumik.

§ 10. Kommunilbestyrelsip kukkunersiuusut nalunaarusiaata kalaallisuuata kommunimit tiguneqareerneratigut kukkunersiuusut nalunaarusiaat suliarissavaa.

Imm. 2. Kukkunersiuusut nalunaarusiaannik kommunalbestyrelsip suliarinninnera kingusinnerpaamik ullunik 14-inik kingoqqullugu kommunalbestyrelsip kukkunersiuusut oqaaseqaataannut akissuteqarnera Naalakkersuisunut nassiunneqassaaq.

§ 11. Kommunilbestyrelsip kukkunersiuusut nalunaarusiaannik akissuteqarnermini makku sianiginiassavai:

- 1) Kukkunersiuusut sulianik ingerlatsinerup suliallu ingerlaartarfisa allanngortinneqarnissaannik pitsanngoriaateqarnissaannilluunniit kaammattuuteqarsimappata, kommunalbestyrelsip oqaatigissavaa qanoq iliorluni piffissallu qanoq ilinerani allanngortitsisoqassanersoq pitsanngorsaasoqarlunuunniit,
- 2) kukkunersiuusut kommunip suliamik ingerlatsinerani kukkunernik aalajangersimasunik tikkuagaqarsimappata kommunalbestyrelsip ilisimatitsissutigissavaa qaqugu kukkuneq iluarsineqassanersoq oqaatigissallugulu kukkusimaneq suliat ingerlaartarfiini imaluunniit suliassani allani allanngortitsinissamut pisariaqartitsinersoq siunissami kukkusoqartannginniassammat,
- 3) kommunalbestyrelsip kukkunersiuusut oqaaseqaataat akuerisinnaanngippagu tamatumunnga pissutaasoq akissuteqarnermi taaneqassaaq.

Karseqarneq naatsorsuuseriveqarnerlu

§ 12. Kommunip karseqarneranik naatsorsuuseriveqarneranillu aaqqissuussinermut suliallu ingerlaartarfinut malittarisassat erseqqinnerusut aqutsinermut inatsimmi § 50, imm. 1 naapertorlugu kommunalbestyrelsimit aalajangersarneqassapput.

Imm. 2. Malittarisassat imm. 1-imi taakkartorneqartut imarisaat kukkundersiuisut kommunalbestyrelsillu isumaqatigiinngissutigissappatigit Naalakkersuisut aalajangiissapput.

Atuutilerfia

§ 13. Nalunaarut manna atuutilerpoq 1. april 2012-mi. Peqatigitillugu atorunnaarsinneqarpoq kommunit missingersuusiortarnerat, naatsorsuutaat, kukkundersiuisarneq aamma karseqarnerat naatsorsuuseriveqarnerallu pillugit Namminersorlutik Oqartussat nalunaarutaat nr. 13, 26. juli 2010-meersoq.

Namminersorlutik Oqartussat, ulloq 3. februar 2012.

Anthon Frederiksen

/

Hans-Erik Bresson

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut